

कुण जाणे बाबोजी म्हाने अइयां छोड चल्या जासी ऐसा संत कोई बिरला होवै रतिनाथ जी याद घणा आसी

तर्ज : कसमें वादे प्यार वफा

कुण जाणै बाबोजी म्हानै, अइयाँ छोड चल्या ज्यासी
ऐसा संत कोई बिरला ई होवै, बाबोजी याद घणा आसी

1.. बालपणे में संत बण गया, टाई फतेहपुर पूजवायो
भोळानाथजी बड़ा दयालु, बऊ धाम थानै सम्भळायो
श्री रतिनाथ.. नाम थे पायो..
बऊधाम बणगी काशी..
कुण जाणै

2.. थारा परचा थारी चर्चा, सारी दुनिया आज करै
शेखावाटी संत शिरोमणि, सैं कै दिल पर राज करै
ॐ शिव गोरक्ष... ॐ शिव गोरक्ष..
जगमें गुंजतो ही जासी..
कुण जाणै

3.. नाथ अनाथ का थे ही साथी, थे ही गुरु पितु मायत हो
भेदभाव थारै दर पे ना देख्यो, थे भगतां का सहायक हो
कई आया और... कई आवैगा..
थारै जिस्त्यो कोई कद आसी..
कुण जाणै

4.. थारी किरपा राखज्यो बाबा, भगतां को मंगळ होवै
थारी समाधि कै दर्शन सैं, जीवन म्हारो सफल होवै
अम्बरीष कहवै... मनसे पुकारो..
बाबोजी नेडे दिख ज्यासी..
कुण जाणै

Lyrics : Ambrish Kumar Mumbai

<https://bhajanganga.com/bhajan/lyrics/id/34240/title/kun-jane-babo-ji-mahane-aiyan-chod-chalya-jasi-aisa-sant-koi-birla-hove-rati-nath-ji-yaad-ghana-aasi>

अपने Android मोबाइल पर [BhajanGanga](#) App डाउनलोड करें और भजनों का आनंद ले |